

conföderirten Edlen war/so die Supplication Anno 1566. presentiert hattē: hatte vnaußhörlich die waffen vor die Landen geführt wider die Spanier/ vnd war nun General Oberster vber dz Geschütz: sehr beklagt von den seinigen. Das Stetlein Otmarsen ist gleicher massen als Steinwick sich zu ergebē gewūgen worden den 30. Julij.

Darauff hat Graff Morik Couordē belägert/ im anfang aber haben die von innen die nechste Häuser voraußen abgebrand/ gleichwol kam Gr. Morik so nahe hinzu daß er das Wasser auß dem Graben abstach/ vnd die Contreschery des Casteels eingenommen/ vnd die Druck abgeschossen. Gr. Friderich vom Berg nachdem er allenthalben hin vnd wider geritten alle ort zu versorgen/ ist selbst mit zimlicher Garnison darein gezogen. Diß ist ein fast starckes ort/ sehr berühmt wege seiner gelegēheit/ auch fast künstlich gesterckt/ auff die fundament so etwan von Sonnoy gelegt worden.

Als nun Graff Moriken volck die Cötreschärpff innen hatte/ machten sie ein Galerey zu ihrer besreyung in dem Grabē/ damit sie bedeckt biß an den wall fondten graben/ vn also vor dem Geschütz der streichwehren sein möchte/ welches sie in kurzem vollbrachten/ mit hülff einer hohen Rakē/ die sie auffwurffen: schossen auch ein Raueleyn darnider: auch wurden etliche Minen vnder dem Wall gegraben/ die sehr starck waren/ vnd einfielen: gegen die eine minireten die von inne vnd machten dieselb also mit Luft geben vndüchtig: jedoch verharreten sie mit ihrem miniren/ fuhren darin fort/ vnd sprengtē etliche/ darauff sie anlieffen/ vnd auff den wall kamen/ auff welchen sie sich schanketen mit hülff der auffgeworffenē Rakē die denen von innen jr gegenwehr namen/ gleich als